



Poziv za prijave na Research Incubator program za studente postdiplomskih studija

O Inquire

Inquire Evidence2Policy Hub objavljuje poziv za prijavu studenata postdiplomskih studija za Research Incubator program. Cilj ovog programa je da podrži istraživanja iz društvenih nauka, te omogući mladim istraživačima da razviju vještine izrade kvalitetnih istraživačkih prijedloga projekata relevantnih za diskusiju i donošenje politika/programa u BiH.

Research Incubator je program podrške studentima postdiplomskih studija sa univerziteta u BiH, kroz seriju praktičnih radionica u izradi metodologije istraživanja u oblastima društvenih nauka. Program je dizajniran na način da će polaznicima biti omogućen pristup podacima u okviru Arhive podataka iz društvenih nauka u Bosni i Hercegovini – DASS-BiH, pristup stručnoj literaturi, pristup bazama istraživačkih pitanja relevantnih za donošenje politika u BiH (Research Question Bank), pristup softverima i drugim alatima za istraživanje (poput mikrosimulacijskih modela), treninge iz specifičnih metoda istraživanja prilagođenih potrebama polaznika, mogućnost angažovanja istraživača s vodećih svjetskih univerziteta kao savjetnika (ko-mentora). Konačno, polaznici će imati mogućnost korištenja drugih resursa CREDI centra, uključujući pomoć u prikupljanju podataka na terenu, te mogućnost dodatnog angažmana na drugim projektima CREDI-a svim zainteresiranim kandidatima. Kroz dodatni angažman na projektima, polaznici će biti u prilici steći i praktična iskustva u provođenju istraživanja.

Research Incubator je dio Inquire mreže, kroz koju će polaznici osim podrške u dizajniranju prijedloga istraživanja, imati mogućnost da uspostave saradnju sa institucijama i donatorima kao potencijalnim korisnicima rezultata njihovih istraživanja u toku implementacije samog programa. Kao rezultat programa svi polaznici će imati završen prijedlog projekta koji mogu iskoristiti kao prijedlog za završni rad II ili III ciklusa studija, ili nezavisni istraživački projekat. Kroz Inquire mrežu će polaznici biti povezani sa potencijalnim donatorima zainteresiranim za finansiranje istraživačkih projekata, te biti u mogućnosti ostvariti finansiranje za svoj prijedlog projekta.

Program će ukupno da podrži 20 polaznika. Ukupni troškovi programa po polazniku iznose 2.000 KM. Način i uslovi prijave na program su opisani u daljem tekstu poziva. Zainteresirani kandidati mogu aplicirati i na program stipendiranja, a detalje možete pronaći u nastavku teksta.

Uslovi za prijavu

Aplikanti trebaju ispunjavati sljedeće uslove:

- Upisani su na II ili III ciklus studija nekog od univerziteta u BiH. Prednost pri izboru imat će kandidati sa partnerskih univerziteta CREDI centra (više na www.dass.credi.ba i www.ess.credi.ba). Ukoliko kandidat trenutno nije upisan na II ili III ciklus studija, potrebno je da

u motivacionom pismu navede koji je prethodni stepen obrazovanja završio, te na koji način namjerava da se bavi istraživanjima u budućnosti.

- Dostupni su da prisustvuju programu u narednoj akademskoj 2020/2021 godini u Sarajevu ili on-line
- Uputili su projektni prijedlog iz oblasti društvenih nauka popunjen u aplikacionoj formi. Aplikacionu formu u .doc formatu možete preuzeti sa sljedećeg linka: <https://credi.ba/wp-content/uploads/2020/12/Aplikaciona-forma-Inquire-RI-program.docx>

Kriteriji selekcije

Sve aplikacije će proći kroz proces selekcije, koji se sastoji od pregleda dostavljene dokumentacije, te ocjene kvaliteta projektnog prijedloga dostavljenog u aplikacionoj formi. Nepotpune i neblagovremene prijave neće biti razmatrane. U aplikacionoj formi je potrebno naglasiti da li se kandidat prijavljuje za samostalno finansiranje programa ili za stipendiju. Bez obzira na koji program se kandidat prijavljuje, dostavljena aplikacija će biti pregledana i ocijenjena na osnovu definisanih kriterija koji su upisani pored svakog elementa (pitanja) u aplikacionoj formi.

Način prijave

Svi zainteresovani kandidati mogu poslati svoje prijave do **11.01.2021.**, na e-mail adresu inquire@credi.ba. Prijava treba sadržavati CV, motivaciono pismo, dokaz u upisu akademske godine na visokoškolskoj ustanovi u BiH ili dokaz o završetku studija za kandidate koji nisu trenutno upisani na studij, te popunjen obrazac aplikacione forme. Molimo da sve dokumente spojite u jedan i dostavite u .pdf formatu. Svi kandidati koji upute aplikaciju bit će obaviješteni o prijemu iste. Za sve dodatne informacije o načinu prijave možete nas kontaktirati na inquire@credi.ba ili putem telefona na 033/205-859.

O programu stipendiranja

Inquire je za najbolje nacрте istraživačkih projekata obezbijedio 10 stipendija za polaznike Research Incubator programa. Dvije stipendije za polaznike finansira MarketMakers, dok 8 stipendija finansira CREDI. Stipendije će se dodijeljivati izborom najboljih aplikacija na osnovu definisanih kriterija selekcije, a izbor će provesti međunarodni akademski žiri. Sve aplikacije koje budu konkurisale za stipendiju će biti ocijenjene, te će za prvih pet mjesta biti obezbijeđena stipendija koja pokriva pune troškove programa. Za narednih pet mjesta obezbijeđena je stipendija koja pokriva polovinu troškova programa, uz mogućnost finansiranja i druge polovine troškova kroz angažman na nekom od projekata koje implementira CREDI centar.

Stipendije će biti dodijeljene za teme iz sljedećih oblasti:

- Studentska praksa i zapošljavanje
- Samozapošljavanje



- Dijasporna i razvoj
- Uticaj krize izazvane koronavirusom na migrante
- Mikrosimulacijski modeli
- Porezne politike
- Socijalne politike
- Procjene uticaja programa i politika (eng. impact evaluation)
- Neformalno obrazovanje

Prednost za stipendiranje će dobiti oni kandidati koji budu aplicirali s prijedlogom projekta koji se bavi jednom ili više gore navedenih oblasti. Ukoliko kandidat aplicira na program stipendiranja obavezno je da u aplikacionoj formi navede za koju oblast ili oblasti aplicira.